

Istovik 14. Jul 2019 - 19:24 h

## Pokrenuta istraga zbog zloupotreba

G Google+ Bookmarks

f Facebook

t Twitter

P Print

+ More



Povodom medijskih natpisa o navodnim zloupotrebama korištenja vojnih helikoptera, a u cilju potpunog i tačnog informisanja javnosti MO i OS BiH, u skladu sa propisima i procedurama, preduzeli niz aktivnosti u cilju utvrđivanja činjenica koje se odnose na predmetne navode, a na osnovu prijave navodne nepravilnosti 01. 02. 2019. godine.

Naime, od strane anonimnog prijavitelja dana 01.02.2019. godine, putem telefona, Glavnom inspektoratu MO BiH podnesena anonimna prijava, koja se odnosila na navodno nepropisno korištenje vojnih helikoptera. Uz navode da su se nepropisni letovi događali u periodu od jula do oktobra 2018. godine, prijava je bila zasnovana na određenom broju foto i video zapisa.

Na osnovu dostavljene prijave i raspoloživih informacija iz iste, Glavni inspektorat MO BiH i linija zapovijedanja i kontrole OS BiH pokrenuli su proces utvrđivanja činjenica, u skladu sa Pravilnikom o vojnoj disciplini i disciplinskom postupku ("Službeni glasnik BiH", broj 96/10"). Međutim, prilikom daljnjeg rada na predmetu, MO BiH je utvrdio da se spome fotografije i video zapisi, tamo gdje je to snimak dopustio, odnose na period raniji od 2011. godine, a ne kako je to bilo indicirano u prijavi na period iz 2018. godine. Na osnovu oznaka helikoptera OS BiH na snimci, utvrđeno je da je isti neoperativan od dana 30.08.2011. godine i kao takav je izvan svoje funkcije. Pored navedenog, MO BiH nije moglo utvrditi identitet vojnih osoba sa snimaka na kojima se vidi prevoženja osoba u civilnoj odjeći sa vojnim helikopterom.

Prilikom traženja dodatnih informacija od prijavitelja, isti je izjavio da posjeduje i dodatne i autentičnije dokaze, ali iste nikada nije dostavio, već je nakon toga prekinuo kontakt s inspektorima na predmetnom slučaju. Napominjemo da se svi letovi OS BiH sprovode u skladu s propisanim procedurama, uz obvezne najave letova koje uključuju i kontrole zračnog prometa.

I pored toga što nije bilo moguće utvrditi osnovanost navoda iz ove predmetne prijave, MO i OS BiH će nastaviti da preduzimaju odgovarajuće mjere, u cilju poštovanja svih propisa iz oblasti letenja, a koje će biti kontrolisano linijom zapovijedanja i kontrole.

Takođe, imajući u vidu da je u predmetnim pisanjima i tekstu koji je objavljen 12.07.2019.godine, data informacija o navodnoj saradnji pripadnika Brigade ZS i PZO sa privatnom firmom VGH Aero iz Banja Luke, MO BiH će odmah preduzeti mjere u cilju utvrđivanja činjenica i ovih navoda, stoji u saopštenju iz MO BiH, prenosi Dnevnik.ba.

Izvor: [dnevnik.ba](http://dnevnik.ba)